

行，榮求佛理，每切常臻於正教，傾心可慕於空門。伏聞大宋皇帝陛下德應三乘，功明大道，聖惠遠超於南土，宸嚴廣布於華夷，是以臣思蒙遠顧金闕，遙想旌麾，身屬邁年，無由頓首。臣思蒙收得西天佛金骨及西天佛樹枝連葉并西天佛一盞，元是西天僧將到，兼本國犀牛頭一箇，連犀一株，尾一條，犀四株。臣思蒙發遣弟打欽賁赴廣州進獻，伏乞天慈俯賜鑒納。謹進。」譯到：「興塗渤國蕃王元是丹蒲朧，每年發船歸大地，今特將書求拜大朝官家。我聽聞道是大朝官家修行，我州府有聖佛，重佛是重家一般，特將來興塗渤國佛一盞，²⁸犀牛頭一箇，連犀一株，又犀四株。蕃王修行年老，聽聞大朝官家修行，辦心禮拜。打欽元是我弟，特差親弟來廣州送納，乞回。」

〔皇祐元年十二月〕二十九日^{〔三〕}，西南蕃大留國王子龍異璿等來貢。

皇祐二年正月十二日，西南蕃主龍光湓來貢硃砂、馬、氈、銀香爐、合、匙。

十八日，占城國俱舍利波微收羅婆麻提榻盈卜遣使奉蕃唐書表二通來貢^{〔三〕}。表云：「進上皇帝：天下〔州〕府國土不如大朝國土，無有國土得似大朝官家國土。自來官家州府不曾有失脫，帝王自來坐大朝，管得天下州府。帝王所有行遣公事依王法所行，每年常放赦罪人。帝王似釋迦牟尼佛一般，諸道州縣府每年發進奉大朝官家^{〔三〕}。盈卜孝順，小心官家。爲逐年交州來探占城國，纔成，又來劫

奪，至是占城國逐年要來進奉，收拾不辦。今年畧有些小儀信，進上帝王，願官家萬歲。乞止約交州不要來奪占城州府。交州屬官家所管，自我占城國亦係大朝官家所管，交州遠括占城，如同遠括大朝一般。如斷得交州一年不來，我便大段年年來進。今進上蕃唐表二道。」

十九日，入內侍省請：「自今應有化外進奉蠻人到闕，如不在禮賓諸處安下者，乞令內供奉石全育提點，所貴均一，不至遠人失所。」從之。

四月八日，沙州符骨篤末似婆溫等來貢玉。

閏十一月二十八日，西蕃瞎氈遣使來貢方物。

十二月十五日，唃廝囉遣使來貢方物。

三年二月四日，廣源州首領²⁹儂智高奉表，獻馴象及生熟金銀。詔轉運、鈐轄司止作本司意，答以廣源州本隸交趾，若與其國同貢奉，即許之。

四年《山堂考索》：是年正月癸巳，龜茲國、沙州並遣使貢物。十月

十二日，沙州遣使來貢方物。

五年四月四日，占城國遣使蒲思馬應來貢方物^{〔四〕}。

〔三〕皇祐元年十二月：原脫，據《長編》卷一六七補。

〔三〕榻盈卜：胡宿《文恭集》卷二六、《宋史》卷四八九作「楊卜」，疑此處「榻」爲「楊」之誤。

〔三〕「發」下疑脫「遣」字。

〔四〕馬：原作「鳥」，據《宋史》卷四八九改。